

## SA CUNFRARIA DE NUGHEDU SANTA ITÒRIA

In su tempus intre su millechimbechentos e su milleseschentos fuant zai presentes in Nughedu Santa Itòria sos primos cunfrades partzidos in duos grupos:

"DE SU ROSÀRIU " E "DE SU SACRU CORO"

Sa cunfraria presente est istada istituida in su mese de trìulas de su 2005, a pustis de trinta annos sena èssere presente in Nughedu.

Est istada numenada "SA CUNFRARIA DE SU SS. ROSÀRIU" e nde faent parte sos cufràrios:

- Berritta Frantziscu Zuseppe     **PRIORE**
- Coinu Zuseppe Carmelo
- Mele Zuanni Batista
- Mou Frantziscu     **V. PRIORE**
- Puliga Mosè
- Iscanu Antoni
- Iscanu Mundiccu
- Ispiga Perdu

In su mese de maju de su 2012 est intrau a faet parte de sa cunfrària fintzas Mascia Costantinu de Nughedu Santa Itòria.

Sa beste de sos cufràrios est unu bestire biancu a ispacu in de nanti sena collete.

Fata cun:

- Unu mantellu nieddu curtzu de pannu;
- Unu capeddu biancu, chi si ponet in conca mesches pro sos interros;
- Unu cordone istrintu in chintzu.

Onzi cufrade s'at fatu fàere sa beste a misura dae una maistra de pannu de bidde

e cun s'ispesa totu a contu su.

Sos doveres de sa cunfraria fintzas dae sos tempos antigos, fuant de azudare sa zente in sos bisonzos.

Cando ch'aiat carchi maladia mala comente "sa peste" sos cufràrios depiant arregòllere sos mortos e che ddos interraiant.

Sos cufràrios fuant sa fortza vera de sa crèsia in cussu tempus pro ite fuant fintzas amministradores; unu esèmpiu podet èssere cando andaiant a arregòllere sos afitos de sos terrinos de sa crèsia.

Oe sos cufràrios iscurtant sa missa onzi Duminiga, bessint in crufessione pro sas festas e acumpanzant sos mortos a campu santu.

Sa die de s'interru su cufràriu chi pigat sa rughe intrat paris cun su prèide in sa domo de su mortu pro li dare sa beneditzione.

Como su Priore est Frantziscu Mou, chi est istadu numenadu dae s'àteru Priore Berrita Frantziscu Zuseppe e cun s'unanimitade de totus sos cufràrios.

- Documentu iscritu grazias a s'azudu de su Priore Frantziscu Mou.